

# MINGGU DESTINI SISWA (MDS) SECARA ATAS TALIAN

DISEDIAKAN OLEH: SUHAIZA HASAN & NOR AIMI ABDUL WAHAB

Selamat Datang pelajar baharu sesi kemasukan sesi 1 2020/2021. Setelah kampus hampir sunyi dengan ketiadaan pelajar akibat perintah kawalan pergerakan (PKP), Alhamdulillah Pada tanggal 26 September 2020, seramai hampir 500 pelajar Pra Diploma memulakan sesi pendaftaran di UiTM Cawangan Pulau Pinang. Jabatan Sains Gunaan mengucapkan tahniah dan selamat datang khususnya kepada para pelajar Pra Diploma Sains (PD007/8). Para pelajar baharu buat pertama kalinya melaksanakan MDS secara atas talian bermula 2 Oktober 2020- 4 Oktober 2020. Ia diikuti pula dengan Minggu Education 5.0 pada 5 Oktober 2020- 10 Oktober 2020. Sememangnya tahun ini adalah tahun yang amat mencabar kepada pelajar-pelajar baharu ini untuk melalui sistem pengajian di era pandemik covid-19 ini. Namun, ia bukanlah penghalang untuk kita semua meneruskan sesi pengajaran & pembelajaran.



Pada semester ini, sesi MDS telah dijalankan secara atas talian dengan para pelajar akan mengikuti setiap sesi taklimat menerusi *platform Youtube* dan aplikasi *Telegram* serta *Whatsup*. Para pelajar baharu juga dibahagikan kepada MENTOR MDS yang telah dilantik oleh Bahagian Hal Ehwal Pelajar (BHEP) bagi membantu memudahkan penyampaian maklumat serta pengurusan MDS secara atas talian. Alhamdulillah *MDS online* berjaya dilaksanakan dengan baik dan lancar.